

# IBhayibheli LaBantwana Likulethela

IBandla  
Lihlangabezana  
Nezinkinga



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

[www.M1914.org](http://www.M1914.org)

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



Ezinsukwini ezingamashumi amahlanu ngemva kokuba  
iNdodana kaNkulunkulu uJesu evukile kwabafuleyo,  
uMoya oNgcwele weza waphila phakathi  
kwabalandeli Bakhe.




Nakuba abafundi babengaqondi ukuthi uNkulunkulu uBaba, uNkulunkulu iNdodana (uJesu) kanye noNkulunkulu uMoya oNgcwele bonke bangaba uNkulunkulu oyedwa, babekujabulela ukuba noNkulunkulu nabo. UNkulunkulu wenza izinto ezimangalisayo ukuze asize abaphostoli batshele abanye ngoJesu.



Abantu abakholwa kuJesu babelana  
ngakho konke ababenakho  
ukuze abampofu banakekelwe.  
Kodwa omunye umbhangqwana  
okuthiwa u-Ananiya noSafira  
wawungathembeki.  
Bathengisa indawo  
ethile futhi benza  
sengathi balethe  
yonke imali  
kubaphostoli.  
Ngokuyimfihlo,  
babezigcinele  
okunye.




An illustration showing a hand holding a grey bag that is spilling a large pile of gold coins. The coins are scattered on the surface below. In the background, there are two stylized, brown, vertical shapes that resemble traditional African wooden staffs or pillars.

"Kungani uSathane egcwalise inhliziyo yakho ukuze uqambe amanga kuMoya oNgcwele...?"

UPetru wabuza u-Ananiya. "Awuqambanga amanga kubantu kepha kuNkulunkulu." Khona-ke u-Ananiya wawa futhi wafa. Izinsizwa zamsonga, zamkhiphela phandle, zammbela.




Ngemva kwesikhashana, kwangena uSafira, engazi ukuthi umyeni wakhe ushonile. Waqamba amanga nangemali - futhi kwenzeka okufanayo nakuye. Ukwesaba okukhulu kwehlela phezu kwabo bonke abezwa lezizinto.



UNkulunkulu uMoya  
oNgcwele wenza  
izibonakaliso  
nezimangaliso  
eziningi  
ngabaphostoli.  
Ngokwesibonelo,  
abantu abagulayo  
baphulukiswa lapho

isithunzi sikaPetru  
siwela phezu  
kwabo.





Kwakuyisikhathi  
sezimangaliso  
ezinkulu,  
ezibonisa  
ubukhona  
bukaNkulunkulu.  
Abantu abaningi  
ngokwengeziwe  
bakholwa kuJesu.

Lokhu kwamthukuthelisa  
kakhulu uMpristi  
Ophakeme. Wafaka  
abaphostoli ejele!





Kepha ebusuku  
ingelosi yeNkosi  
yavula iminyango  
yetilongo,  
yabakhipha, yathi:

“Hambani niye ethempelini, nikhulume kubantu  
amazwi onke alokhu kuphila.” Abaphostoli baphuma  
baqala ukushumayela ngoJesu. Ekuseni, amadoda  
oMpristi Omkhulu athola ijele lingenalutho.



Lapho ekugcineni ebathola, umPristi Omkhulu wabathethisa abaphostoli. "Asiniyalanga nokuniyala ukuba ningafundisi ngaleliGama na?" "Sifanele ukulalela uNkulunkulu kunabantu," kuphendula uPetru nabanye abaphostoli. UmPristi Ophakeme wathukuthela waze wafuna ukubabulala abaphostoli.

Kunalokho, wayala ukuba bashaywe futhi bakhululwe.




Naphezu kobuhlungu ababebuzwa, abaphostoli  
balalela uNkulunkulu futhi baqhubeka beshumayela  
ngoJesu.



Ngolunye usuku indoda okuthiwa uStefanu yaboshwa. UStefanu wayeyithanda iNkosi uJesu. UMoya oNgcwele wawusebenzisa yena ukutshela abanye ngoJesu. Amanye amadoda aqamba amanga, ethi

uStefanu wayekhuluma kabi ngoNkulunkulu.

Ngemva kwecala elihlekisayo, uStefanu wakhandwa ngamatshe waze wafa ngenxa yokholo lwakhe kuJesu.



Engakafi, uStefanu egcwele uMoya oNgcwele,  
waggolozela ezulwini, wabona  
inkazimulo kaNkulunkulu  
noJesu emi  
ngakwesokunene  
sikaNkulunkulu.

Isixuku  
samkhanda  
ngamatshe  
uStefanu  
lapho ebiza  
uNkulunkulu ethi:  
"Nkosi Jesu,  
yamukela umoya  
wami."



Khona-ke, njengo Jesu  
esiphambanweni, lendoda  
enesibindi yasebenzisa  
umoya wayo wokufa  
ukuze ithandazele  
ukuba  
uNkulunkulu  
athethelele  
ababulali bayo.



Ukufa kukaStefanu kwaqala igagasi elisha  
loshushiso. Insizwa okuthiwa uSawulu, eyayisize  
ababulali bakaStefanu, yabopha wonke amaKristu  
eyayiwathola. Abanengi babo babaleka ezindlini zabo  
futhi bahlakazeka kulo lonke elaseJudiya  
neSamariya. Abaphostoli kuphela abasala  
eJerusalema.





Nakuba izitha zabo zazizama ukubabulala, labo ababehlakazekile baya yonke indawo beshumayela izindaba ezinhle ngoJesu. Akukho okwakungavimba abalandeli bakaJesu - ngoba uMoya oNgcwele kaNkulunkulu wawuhlala kubo futhi usebenza ngabo.



# IBandla Lihlangabezana Nezinkinga

Indaba evela kwiZwi laNkulunkulu, iBhayibheli,

Itholakala

IZenzo 5-7

“Ukwambulwa kwaMazwi Akho kuyakhanyisa.”  
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

